

## Isoniazid: Kilen an ri-nañinmej eo bōk/idaak wūnokan nañinmej in TB

### Ta in INH?

Isoniazid (INH) ej juon wūno in wā kōjerbale ñan kōmadmōde nañinmej in TB. Wūno in ej jermal ñan ruo wūn ko:

1. Ñan kōmadmōde kij in TB eo ekiki (latent).
2. Ñan kōmour jān nañinmej in TB (ñe bōke ippān wūno ko jet)

Kij in TB ko eļap aer kajoor im pen mañi. Kwōnaaj aikuj bōke/idaak wūno in 6 ļok ñan 12 allōñ ñan maroñ mañe aolep kijin TB (bacteria) ko im kōmour eok jān nañinmej in TB. Taktō eo aṃ enaaj kowaļok jete allōñ kwōnaaj aikujin bōke/idaak wūno eo.

### Eļmān aō bōke/idaak wūno in?

E menin aorōk bwe kwōn idaak wūno in aolep raan ak aīnwōt an taktō eo aṃ karōke. Mōkaj im kōjjeļaik taktō eo aṃ ñe kwaar kabōjrak aṃ idaak wūno eo liṃōm. Ñe kwōlikjab jān juon iien idaak wūno, idaak ilo iien eo emōkajtata, ak emo bōke ruo alen lo juon wōt iien. Keememej im kōjjeļaik taktō eo aṃ kōn wūno ko kwōj idaak ak jabdewōt wūno kāāl ko kwōj jiño idaak. Kajjioñ bōk wūno eo ilo an ejjeļok kobban lojiem. Ñe ej kaabñōñōik lojiem, bōke ippān mōñā. Kōkoñ wūno INH eo ijo emñōļo im emōrā.

**JAB** idaak arkool/dānnin kadek ñe kwōj bōk wūno in. Kwōmaroñ naaj kōjorrāan aj eo aṃ.

### Etkē imaroñ bar aikujin bōk Vitamin B6 (Pyridoxine) ilo ejja iien eo wōt?

Ōn (Vitamin B6) eo enaaj jipañ bōbrae jān an wūno INH kōmman an mej im kūknaļnaļ addiin peiṃ im neeṃ. Kwōmaroñ jab aikuj bōke ōn in elañe ebwe aṃ maroñ bōke jān mōñā ūne ko kijōm.

### Ta jorrāan ko remaroñ waļok jān wūno in (side effects) im ij aikuj waji?

Eñañin aolep armej rejjab būrabōļōm ilo aer bōk wūno INH. Taktō eo aṃ enaaj aikuj waje wōt iok ilo aṃ idaak INH. Jet jorrāan ko ekkā im maroñ waļok jān wūno in rej:

- Lennab, jorrāan kil
- Dike mōñā

### Ñe ewaļok jorrāan kein reļap jān wūno in (side effects), bōjrak jān idaak im kūrļok taktō eo aṃ.

- Mōļañļōñ/mōmōjakeļok
- Kōļo metak/metak loje
- Mōk/dolin mōk
- Jil/marok kōlarin dānnin rawūt
- Emetak ak kūknaļnaļ addiin peiṃ im neeṃ
- Eiaļo kil ak māj ko
- Piba iuṃwin jilu ak elōñļok raan

### Jidik jipañ ñan kilen bōk wūnokan TB eo liṃōm:

- Bōk wūno ko liṃōm kajojo raan ilo ejja iien eo wōt, waanjoñok:
  - Mōkta jān kiki ak ilo jibboñ tata
- Kōjermal talboon eo aṃ ñan kakememej iok
- Kōjermal nien wūno eo ñan tarrin juon wiik
- Kōkaļjeik kajojo raan ilo calendar eo ālikin aṃ bōk wūno ie
- Kajjitōk ippān juon nukwōm ak mōttam bwe en kakememej eok